



07.05.2023

UPA2023/123

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Naalackersuisut inuit tarnimikkut nappaatillit amerlanerit aamma ajuutillit ilinniakkaminnik aallarteriikkaminnik naammassinninnissaannut suliniuteqarnissaannik peqquneqassasut Inatsisartut aalajangigassaannik siunnersuut. Tamanna ilaatigut pisinnaavoq inuit peqannginnerusinnaanerit periarfissiissutigalugu aamma ilinniarnertup sivilissusua akuereriikkamit sivitsorlugu.**

### **Inatsisartuni ilaasortaq Paneeraq Olsen, Naleraq**

Inatsisartuni ilaasortaq Paneeraq Olsen, Naleqqameersup siunnersuutaanut Siumuminngaaniit imaattumik oqaaseqassaagut.

Siumuminngaaniit pingaartilluinnarparput innarluutillit pisinnaatitaaffiinik periarfissaanillu inerisaajuarnissaq. Uanilu siunnersuuteqartup Inatsisartuni ilaasortaq Paneeraq Olsen, Naleraqqameersup

Siunnersuutaa Siumuminngaaniit paasilluarparput taperserlugulu. Siumuminngaaniilu isumaqarpugut nunatsinni innarluuteqartortatta periarfissaasa annertusarneratigut ilinniagaqarsinnaanissaat inuutissarsinnaanissaallu aqqustissioqatigiiffigigutsigu pitsaanerumik inissineqarsinnaassasut.

Kalaallit Nunatsinni innuttaasup akornatsinni immikkut nappaatillit periarfissaannik ujartuinissaq suleqatigiissutigalugu sulissutigilluinnartariaqaripput Siumuminngaaniit isumaqarpugut.

Siunnersuuteqartup siorna juulli qaammataa aallartilersoq apeqquteqareernikuulluni akissutissarsisimanermigut Naalackersuisunit § 37 apeqquteqaammut nr. 201-2022. Kiisalu aamma qaammat januarimi ataatsimeeqateqarnermigut SUGISAQ-mi paasisani aallaavigalugit siunnersuuteqarsimavoq. Siunnersuuteqarnermini inuit taakkartugai nappaatillit soorlu ADHD aamma ADD aamma annilaanganermik nappaatillit innorluutillillu ilinniarnerminni uniinnartartut pitsaanerumik siunnersuusiorfigai.

Siumuminngaaniit siunnersuuteqartoq paasilluarparput, siunnersuutiminik oqariartormat taamatut nappaateqartut inuit amerlasuut akornaniittarnerminnik sanngiiffeqalersinnaasarnerat nappaateqarnertik pissutigalugu pisartoq, allaanerumillu ilinniartuunerminni atugarisaat pitsaanerumik periarfissarsiuuneqartariaqartut. Uanimi nappaateqarlutik ilinniarnerminnik nappaatigisartik pillugu peqquteqarlutik naammassinatik ilinniarfigisamininngaaniit aniinnartartut arlaqarmata.

Siunnersuuteqartup taakkartorpaa inatsimmi periarfissaareersoq rektorip atuarnermi sivitsuisinnaalluni allanngortitsisinaanera. Kisiannili piffinni ilaanni ersernerluttuusooq inunnut napparsimasunut pineqartunut taamaliortoqarsinnaanerani.

Siumuminngaaniit isumaqarpugut ullutsinni atortuutigineqartorujussuannngornikuusoq qarasaariaq atorlugu inuit sanngiissuteqalersartut uani siunnersuuteqartup eqqartugai inuit amerlasuut



akornaniissinnaajunnaartarnertik peqqutigalugu ilinniagaqarnerminni aniinnartartut periarfissarsiuunneqarsinnaaner at uani ujartuiffiqineqarsinnaalluartoq. Ukiunimi kingullerni nappaat corona eqqarsaatigalu nunatsinni atuunikuuneratigut takuarput atuarfeqarfiit ilinniartoqarfiit assigiinngitsut periarfissaasoq qarasaasiakkut ilinniartitsisarneq atorluartarnikuugaat, taamatullu ilinniartitsisarneq iluatsittumik atorneqartuartsimasoq Siumumiit ilisimaarivarput. Siumuminngaanniillu Naalackersuisut kaammattussavagut periarfissaasut tamakkua tulluarsarlugit inunnut pineqartunut suliasaminnut ilanngutsikkumaaraat. Siumumit eqqarsarpugut periarfissat qulaani taakkartorneqartut inerisarnerisigut atugassarititaasut pitsanngortinneqarsinnaanerannut tikkuusseqataasinnaalluarumaartut.

Siumuminngaaniit siunnersuuteqartoq inatsisinik Naalackersuisut allannguutissamik suliaqaqqusinera paasilluarlugu isumaqatigaarput. Naalackersuisullu oqaaseqaateqarnerminni aamma siunnersuuteqartoq taperserlugu oqaaseqarnerat maluginiarparput.

Taamatut oqaaseqarluta siunnersuut taperserlugu ilaqtariinermut peqqissutsimullu ataatsimiititaliamut ingerlateqqipparput neriuppugullu ataatsimiititaliaq sulilluarumaartoq.

*Mala Høy Kúko, Siumut*